

近代詩鈔

四

蘇平知

近代詩鈔

曾國藩

國藩字伯涵號滌生湖南湘鄉人道光戊戌進士由翰林院檢討官至兩江總督武英殿大學士薨贈太傅諡文正有曾文正公詩集

石遺室詩話詩極盛於唐而力破餘地於兩宋眉山劍南之詩皆開天元和之詩之變化也自明人事摹仿而不求變化以鴻溝畫唐宋東坡且無過問者涪翁無論矣坡詩盛行於南宋金元至有清幾於戶誦山谷則江西宗派外千百年寂寂無頌聲湘鄉出而詩字皆宗涪翁題彭旭詩集後有云大雅淪正音箏琶實繁響杜韓去千年搖落吾安放涪叟差可人風騷通肝鬲又云自



僕宗涪公時流頗忻嚮女復揚其波拓茲疆宇廣其明
證矣五言古參學左太沖鮑明遠七言古全步趨山谷
如題毛西垣詩集後送凌十一歸長沙等篇蓋逼肖者
餘則服膺杜韓不高言深微淡遠惟多雜律句今錄其
尤最者若干首

寄懷劉孟容

清晨采黃鞠薄莫不盈櫛寧知弟昆好忍此四年別四年亦云
已萬事安可說昔者初結交與世固殊轍垂頭對鐙火一心相
媚悅炯然急難情熒熒光不滅漣濱一揮手南北音塵絕君臥
湘水湄辟人苦局鐻懷璧誤一投已遭官長別我作燕山囚衾
襪冷如鐵塵土塞中腸經旬閒嘔泄夢魂互往還邂逅在嵒嶧
君魂畏豺虎我魂阻蛇蠍明年會長沙對牀殊唼唼可憐郭生

賢日夜依我闔三子展殷勤五旬恣猖獗自從有兩儀無此好
日月決渠東西流人事有蹉跎當時別江干懸知成久闊郭生
從我行再踏長安雪束蒿貢廊廟塗丹強作闌磐松困澗底千
歲老不屈行藏一以歧會合焉可必知君障污塵憎我逐煩熱
摧蘭擣作礮本馨固難奪皇天造羣倫位置各成列煌煌帝者
都峩峩集勳閱前庭充組圭後閣煖清瑟大馬疾如飛高車如
電掣陋巷時騎過墻震窗紙裂而我支肘眠朦朧兀頑劣視陰
呼晚飯終年曾不缺癡兒亦肯堂四齡已饗餐所愧偷太倉無
異哀窮乞羨君老巖阿閒味甘於蜜嗟哉趣豈殊所處良不一
坦蕩觀皇途轉側思家室永懷素心人悠悠難具述

廢邱關

項王西入關咤叱何雄哉鼻息撼山岳號令如轟雷分茅割大

地駕馭英雄才六王既立後三將還西來降臣剖符竹洪度方
洞開廢邱亦善地百里闢蒿萊桓桓章將軍伉伉貔虎材奸豎
主帷幄大將終疑猜望夷不足惜此類良可哀行人一長嘆萬
壑悲風迴

請醇士前輩畫竹歸貽樹堂題詩一首

孔翠閉雕籠失羣忤本性懷我如玉人三旬闕賓敬老醇今鄭
虔支離頗自聖余爲揚其波畫詩極輝映寫此貽君子持將作
寶鏡筠以喻其文幹方晚節勁桃李漫紛紛語君勿與競物外
求交知塵中闢幽篴

又贈筠仙一幅

人生有乖隔咫尺成關山我心日百轉從來輸石頑日吾語戴
侯君在張李閒爲君畫新竹幽澹不容攀我家雙谿上萬竹圍

沙灣涼夜幽篁裏月冷水潺潺行攜子偕隱鹿豕相往還詩名
滿天地蹤迹混榛菅

送莫友芝

豪英不地囿十九興偏邦斬崖撥叢棘往往逢蘭芷黔南莫夫
子志事無匹雙萬書薄其服廿載幽窮鄉今年偶作劇射策來
都堂青鞵側破帽日繹書賈坊邂逅一相見揖我謂我臧劉郎
吾庸敬好事迷短長炙酒頰君頰亦用沾我腸微瀾時激引稍
稍觀濤江可憐好手眼不達時溫涼果然被捐斥鋤刈不成芳
誰能尼歸駕飄若驚鴻翔我時走其廬深語非淺商次及蓼莪
痛老淚何浪浪嗟余亦心性內刺能不降賓然拜牀下十分肅
老龐關山有乖隔人事不可詳萬里共日月肝膽各光芒作詩
勛歲莫亦以勤劉郎

劉郎謂
茶雲

題彭旭詩集後卽送其南歸二首

日日送歸客情抱難爲佳老彭復去我內撫焉所偕往予初遇
子睇眈無等儕鷹眼迴高秋勢不甘塵埃自言困鄉國橫被口
語猜絳侯畏牘背田甲欺死灰脫身來洛下稍攝驚魄回風波
一震薄萬事何有哉雄篇忽枉我峻句何崔嵬險拔肝膽露憂
患才地開終然達紫氣幽獄難可埋男兒要身在百忤寧足摧
臨歧不知報努力乾深杯

大雅淪正音箏琶實繁響杜韓去千年搖落吾安放涪叟差可
人風騷通肸蠁造意追無垠琢辭辨倔彊伸文揉作縮直氣摧
爲枉自僕宗涪公時流頗忻嚮女復揚其波拓茲疆宇廣大道
闢榛蕪中路生罔兩孱夫阻半途老大迷歸往要當志千里未
宜局尋丈古人已茫茫來者非吾黨竝世求人難勉旃各慨慷

丁未六月廿一爲歐陽公生日集邵二寓齋分韻得是字

讌飲非吾欣十招九不起豈不耽羣歡未諳諾與唯今日飲邵
侯婆娑辦一喜多因坐上賓可人非俗子梅_{言伯}窠名世姿蕭然

紅塵裏蟬蛻三十年萬事如脫屣獨留文章性貞好無遷徙頗
獎歐陽公時時挂牙齒後者開曾王前追韓與史自_安持此論
斯文有正軌二三邦國英風流相依倚持斤向老鼻郢門欲成
市邵侯宏其波崢嶸見爪觜時作好事人排蕩詩酒理長安三
月雨炎威方一弛洗醖招近局衆賓稍填委尙想老醉翁茲辰
實攬揆展圖拜光儀焚香追無始餒鰈初在嘗良琴復動耳跌
宕宇宙閒嘒嘒亦未已鄙人實昏頑百非遣一是麋鹿生野性
謬來絆金紫紛華一蕩潏精光半銷毀常恐道未聞殞身同螻
蟻苦緬六一公終古長不死名位匪絕人所貴不關彼作詩謝

邵侯梅叟竝送似

送黎樾喬侍御南歸五首之一

洞庭天下闊清傑橫六字中有兩佳人乃是淵騫伍湖北字某
雲南曰孟容甫厥氏同劉宗神明本漢祖實惟吾友生交期澈
肺腑乖隔漫關河夢魂奔越苦朝憶便成昏夜思或達午此士
臥深山靜氣卻豺虎君去儻尋求夙鯁還一吐物外得真遊方
寸能歌舞

陶太常小像

江波少還態耆宿日凋零豈知永嘉末吾猶及老成乾嘉昔云
盛錢王蔚典型傳經孟喜鄰問字子雲亭各奉本師說森然啟
門庭先生時少壯槃敦接芳馨曾從大匠鼻揮斧動神靈跌宕
五十載數輩倚聲名踏破九州莎依舊還天廷後生仍好事快

觀先民程飄然好須鬢圖此歲星精柏寢話疇昔緒論吾嘗聆
瞻言詠斯篇一寄思古情

會合詩一首贈劉孟容郭伯琛

咸豐五年秋
南康舟次

東風吹片雲嘉客來千里喘如竹筒吹腐公蹙然喜朋僚雜迎
笑吾亦倒吾屣各自極其魂告曰某在此傾衿語晨夜爛漫不
知止上言離別長歲月弦脫矢下言兵事殷成敗眞夢耳江漢
天下雄三年宅蛇豕王師有蹴踏戈船照清泚掀浪煮鼉鼉洪
濤染爲紫長驅下蘄黃鐵鎖沈江底羣龍水中生怒螳車下死
英英塔與羅威名讐南紀倚嘯瀟廬閒天戈欲東指人事有變
遷由來不可擬鬼火夜灼天壤雲壓高壘龍驤付一炬韓壁僅
可抵偕行竟無衣存足乃無履夜半飢腸鳴大聲震江水腐公
不知羞恬然矜爪觜謂言多難時從來福所倚在莒義不忘圖

南風漸起稍稍召驚魂時哉可歸矣世論自悠悠冰膚生瘡瘡困窮念本根風雨思君子艱難復相逢得非天所社回首廿年前志亢聲亦侈憂患閱千變返聽觀無始老夫苦多須須多老可鄙二子苦無髭無髭亦可恥自乏諸俗韻不關年與齒貞松無春競歲晏行可俟作詩誌會合亦用砭窳砭

贈李眉生

倦翮復南翔重眺鍾阜煙舊遊多環萃羣卉正芳鮮謂可擴吾襟孤懷乃悄然非材竊祿位俯仰慚高天術業一無成浩浩送流年窳惰常廢事識闇或蔽賢多病無安食多悔少佳眠無德居高明衆鬼瞰瑕譽無學臻衰耄但爲時所鐫誰言所遇順撫衷百慮煎勤子來存訪至論探九淵鬱塞乃過我神困難爲妍人世多乖迂圓一缺常千義娥驅童丱舉世惜華顛天命誠足

畏愁思且當捐

瑣瑣行戲簡何子敬乞醃菜

瑣瑣復瑣瑣謀道謀食無一可大人夭矯如神龍細人局蜷如
螺贏皇皇百計營齏鹽世間齷齪誰似我既不學虎頭食肉飛
將軍又不能駝峯犀筋醉紅裙長將野蔬說奇錯春筍秋芋評
紛紛

吾鄉字
最美

拙妻嘲訕婢子笑可憐先生了不聞苦思鄉國千

里月夢想牀頭一甕雲君家醃菜天下知忍不乞我賑朝饑丈
夫豈當判畛域仁者况可懷鄙私炯炯予心天所許堂堂此理
君莫疑忽憶條侯理入口黃頭銅山竟僵培功高七國安如山
錢布九州浩如藪當時鼎烹會親賓後日饑腸作牛吼今我與
子俱不材懷抱傾筐倒篋開取與廉惠兩無猜青天白日森昭
回不醉不飽胡爲哉

贈何子貞前輩

以紙索子貞作字久
不見償索詩速也

九嶷山水天下清中有彥者何子貞大譎老謀不自白世人誰
解此縱橫八法道卑安足數君獨好之如珉珵終年磨墨眼不
眯終日握管意未平自言簡箋通性道要令天地佐平成怡神
金鯽朝吹浪失勢怒猊夜擣營同心古來亦有幾俗耳乍入能
無驚可憐四十好懷抱空使九州播書名嗟我波瀾頗莫二知
而不爲真不智捧心恥與時爭妍畫足久爲聖所棄行當就子
更柱弦可能爲吾倒筐筥去年一諾今未償舊迹已陳誰復記
世間萬事須眼前須臾變態如雲煙煩君一揮清我室驅逐毒
熱無煩煎高堂巨壁蛟龍走鄙夫白晝欹枕眠

爲何大令題明趙忠毅公鐵如意

君不見天啟初載國步頻逼迫英彥如束薪龍章鳳姿膏斧鑕

狐鳴梟噪騰要津大璫滔天不足道羣小羅拜馬頭塵執笏無
因殛元惡請劍未許梟佞臣觥觥趙公天所鑒年年磨鐵影隨
身世事萬端不稱意惟有此鐵還可人誓將裒椎擊逆豎休教
鑄錯汚君親星光睽睽趨朝夜霜氣稜稜拜疏晨一回摩挲一
灑淚寸心如石腸如輪高皇有靈尙來鑒小臣此志何由伸一
朝荷戈西出塞辜負白鐵悔因循茄花枯盡委鬼滅可憐明社
亦荆榛二百年來餘此物萬劫不敝唯精神世人蠢蠢寶珠玉
如君乃獲希世珍老鐵耐寒終得主豈有正氣長鬱湮請君雪
夜倚闌看金精上燭撼星辰

喜筠仙至卽題其詩集後

昌黎聖者徂不作嗚呼吾意久寥廓郭生近出還峻嶒腸胃森
然起邱壑古來文士非羸尪各有雄心戰墳索自尋世界鍼孔

中別開九州造城郭衰叔曹尙安可論襲兒沿聲膽已薄丈夫
舉步驤兩龍豈有趑趄躡人脚我方僵踣瘡不前君能踐之道
斯託憶君別我東南行挽輿牽裾事如昨五年奔走存骨皮龜
坼硯田了無穫時時音問相照臨語言雖甘意緒惡豈知今日
還相逢席地帷天共一酌紛紛蠻觸爭土疆誰能買閒事笑謔
解顏一覲豈尋常百歲忽如埽秋籜衆木有知草有心殊性異
涂那可度昨夕之炭今晨冰轉燠回寒在焱霍弓影構似公成
真箭鋒失機砮相還葛亮書說雖貴和屈原平生莫量鑿趨同
造獨良難兼攘詢納尤詎非樂方今帝舜明四聰朱虎夷夔并
高爵大鐘土鼓相和鳴文字秋霜起廉鐸號呼朋侶趨上流聊
可示強孰云弱嗟余瞽者迷獄塵不殖十年得毋落欲張漢幟
標新軍要盟不從誰肯諾獨者無倚同者羞心之簸搖欲何著

智小謀大姬所懲偏有狂夫百不忤移山愚叟無日休填海冤
禽有時涸屠龍大噉願已虛哆口如箕且一嚼老筠老筠子視
余謬志誕言豈堪藥閉門引竅號五噫欲與秋蟲鬪方略宇宙
空曠時日寬安用出膏自燔灼忽憶元和奇崛翁會合聯吟兩
鳴鶴雲龍相逐終不能海南江東各飄泊彼之賢俊尙如斯我
今瞽頑當何若與君辦醉千億場誰道人閒有紕錯

六月二十八日大雨馮君樹堂周君荇農郭君筠仙方以
試事困於場屋念此殆非所堪詩以調之

黑雲壓城真欲摧銀河倒瀉天如筵我巢倉皇變澤國嗟爾三
子嘻可哈孔鸞欲爭雁鷺食貪饕豈得逃天災矮簷埤危小於
盍拳曲裁足容頸顙上兩旁風忽衝突蟄蟲有戶安能坏脫屣
漂流不可覓筆牀茶臼何有哉馮君枯坐但閉目急溜洒面不

曾開周侯仰天得畫本倚牆絕叫添喧
郭生耐寒苦索句飢腸內轉鳴春雷
卻笑羣兒薄心膽瑟縮啾唧良足哀
丈夫守身要倔強雖有艱阨無愁猜
我今高臥舒兩膝深簷大棟何恢恢
白日鼾聲答雷雨殘滴初歇清夢回
甘眠美食豈非慶又聞逸樂生禍胎
數君健強齒尙未正可磨鍊筋與脢
明朝日晴各轉鬪老罷戰罷還歸來
爲君廣沽輓脚酒泥污不洗且銜杯

荅農旣和余詩而三子者皆見錄於有司乃復次韻

王師四出枯朽摧築城如鐵黃土徒公然
一戰收全勝笑言啞啞何歡哈文章
有時奏奇績不信五鬼能作災諸君運命頗磨蝎
可憐顛頓愁眉顯年年力戰略城邑不分上國土
一坏卻顧羣公無寸效封侯起第何難哉
李廣旗亭遭醉罵衛青幕府排雲開
今朝背城偶自奮一呼振臂何轟豕
皇天亦助昆陽捷亂